

Dapi 17 onns datti il brunch

(anr) Oz èsi uschia ch'il brunch, u l'ensolver dals e tar ils purs, s'auda simplamein tar la Festa naziunala. Per la 17. giada envidan perquai puras e purs la populaziun per 2009 al brunch per l'emprim dad avust. En tut datti 420 famiglias – en las diversas regions da la Svizra – che spetgan quai di sin radund 200 000 giasts. Ins po entschaiver la Festa naziunala cun ir tranter la 9 e las 13 uras tar quels bains purils, u tar nus era sin alps, ch'offreschan en l'entira Svizra in ritg ensolver che custa tranter 20 e 25 francs. Ils giasts laschan gustar las spezialitads dals purs en las regions. Quai po esser paun frestg, tuargia fatga sez ed anc bleras autras bunas chaussa. Per che gea nagut manchia han ins stuì s'annunziar fin ier. Ils manaschis che porschan quai brunch cuntanschan ins cun ir suenter ils placats che mussan la via.

Sper il da baiver e magliar dat il brunch l'emprim d'avust en il bain puril u sin l'alp era la pussaivladad da vegnir en discurs cun ils purs e representants da l'agricultura. I regia tar quai inscunter ina atmosfera tut speziala. Ins po era sa persvader en il lieu sez da la qualidad da quels products e survegn in'impressiun quanta lavur ch'è necessaria fin ch'ins ha tut quai. Tant ils uffants sco ils geniturs pon guardar directamain en il lieu co ils animals, als quals igl è d'engraziar bleras bunas chaussas purschidas, vivan.